

*A Monthly Christian Magazine*

AN ORGAN OF THE ZOU PRESBYTERIAN CHURCH SYNOD


# Christian Tangkou

ယဉ်ကျေးမှုတံခွန်

တိရစ္ဆာန်များ

Vol. 59 || No. 3

March, 2023



**Editor: Rev. Hangpi Manlun**

Synod Kumpuon:

[Siemchilbu 12:2]

**NANG GUOLZAWLNA HI IN**

# Khristian Tangkou

Vol. No. 59 || Issue No. 3 || March, 2023

## Editorial Board

Editor : Rev. Dr. Hangpi Manlun - 9862910875  
Joint Editor : Rev. Zamlianpau - 7629978067  
Cir. Manager : Upa Jamsianmung - 9862086615  
Bus. Manager : Upa Kamgenpau - 8974612937  
Ms. Niangkhanmang - 8787560139  
Nh. Tracy Niangsuannuam - 8731863384  
Nh. Suanneiching - 8787790520

Cont. Editors : Rev. Awnkhankhup - 9383114081  
Rev. Khupsianlal - 8974749874  
Rev. Khamchinkhai - 8730933744  
P/P Samuel Kham-suankhai - 8413817483  
Upa Khupsuankham - 9863193371  
Upa Tualkhanpau - 9862956570  
Upa Thangzasuan

## ZOU SYNOD ULIENTE

- **Moderator:**  
Rev. Thangboi Khuongsai
- **Moderator Elect:**  
Rev. P. Ginzalal Zou
- **Secretary (Sr):**  
Upa Siendeithang
- **Secretary (Jr):**  
Upa Ginsuankhai
- **Treasurer:**  
Upa Thangchinpau
- **Statistician:**  
Upa T. Lianminthang
- **Executive Secretaries:**  
Rev. Dr. Hangpi Manlun  
Rev. Zamlianpau

Copies - 1200

### AMAN

|                   |     |          |
|-------------------|-----|----------|
| Kumkhat ah        | - ₹ | 100.00   |
| Post ah           | - ₹ | 200.00   |
| Copy khat ah      | - ₹ | 10.00    |
| Life Member Fee   | - ₹ | 1,000.00 |
| Patron Member Fee | - ₹ | 2,000.00 |
| Memorial gift     | - ₹ | 2,000.00 |

# A sung thu

- Editorial..... 01
- Thu tuomtuom & Thumpi ding ..... 03
- Kross dawna Jesu thugen 7te ..... 04
- Jesu sol a a umna..... 08
- Pasian a mi thum umzie ..... 11
- A ta neisun a pie ..... 15
- Phum in a um hi .....17
- Kipah thugenna ..... 20
- ZPYF Column ..... 21
- ZPWF Column ..... 22

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



## HATTUOM PHUTKHIETU LEH NEITU MANGPA JESU AHI

**H**ATTUOM khu leitung a Political Party/Organization amaw, Social Organization amaw, Association amaw, ahisih leh Club-te bang ahisih hi. Khantanhohi Mathiu laigel ah Mangpa Jesun hattuum chi nivei ana jang/mang hi. Peter in Mangpa Jesu khu Khrist Messia ahina a puon nua in, Mangpa Jesun Peter kung ah, “Tualeh Ken zong na kung ah, Nang Peter na hi, chi ka hing hil ahi, tualeh tami suongpi tungah ka hattuum ka lam ding a, mishikhuo kul kotkhahten tuami azouthaw sih ding hi” achi hi (Mathiu 16:18 & 18:17). Tualeh, tamna “suong... suongpi leh hattuum” chi hamkam chi tuomtuomte khu Khrist in umzie neitahin amang hi. Tamnah ‘Tami suongpi tung ah ka hattuum ka lam ding ’ (Matt.16:18b) achi laitah khu hilchet hamsa mama khat ahi. Unau Roman Catholic-ten, ahileh Peter khu suongpi ahi chi in a ngai ua, Ama khu, hattuumte kingahna leh Pope thuneina zong Peter a kipat a kiluosawnin angai uhi. Tami ngaidan, khu Protestant-ten a pomthei sih uhi.

Tualeh, Greek ham a ‘Petros’ kichi khu suongpi china ahia, Peter china ahi thou a, Khrist khu suongpi, Ama khu hattuumte kingahna leh neitupa ahi chi khu i pomdan uh ahi. Tualeh, misiementen zong ngaidan tuomtuom a nei ua, tuate i sui ding uhi.

Pasian thusiem Augustine in suongpi khu Mangpa Jesu Khrist khu ahi achi hi. Tuachin, Peter kung ah “Nang khu Peter na hi a Kei khu suongpi ka hi” achi hi (Matt.16:18). Jesun “Keiman tami suongpi tung ah ka hattuum kalam ding a, tua satan loupitah ka hing pie hi” chin a

gen hi. Tami khu, Protestant hattuumte ngaidan zong ahi tangpi uhi.

Tualeh Peter thutah puonkhiehna khu hattuum kileptouna ding a suongpi khu hi angai/pom um ahi.

Tualeh, Peter in Jesu khu Pasian Tapa ahina dihtah a theina hipen in akilang hi. Peter in Jesu a ginna tungtawnin hattuum a phut zelzel a, tua hattuum khu ‘Ka hattuum’ achi ziehin, Khrist khu aneitu dihtah ahi. Tualeh, i gensa bang un, Mathiu 16:16-18 sung ua, Mangpa Jesun ‘Ka hattuum kalam ding’ a china in mailam ah Pentecost-ni a hattuum hing pien ding ana genlawhna ahi. Tuabanah, Hattuum pen Jesu shina, thawkiana, van kanate zieh a hing pieng khie ahi hi.

Tuaziehin, Rev. Vanlalngaka in “Hattuumte i hiding bangtah ua i um thei chieng un, leitung a pawl thupitah ahiding” achi hi. Azieh ahileh, Hattuum khu Mangpa Jesun ama gingtute umna ding leh ama toh a lenkhawmna ding ua a phu ahi. Thuhun Lui lai in zong mundang tengteng sangin zong miten Jerusalem angaina zaw uhi. Tam khu, tua hun a hattuum thupina genna khat zong ahi.

Tualeh, Guolnei Jeremiah in Israel mipi vahmangte kung ah vahmangte, lampei khielte khu lampi hoi-le-dihte, zui ding in a hil a, tuabang in tahsa-le-hagau lam a, i pichin theina ding un, hattuum ah gin-umtah in i um ding uhi. Tualeh, Hattuum thupina khu a nnasemte ziehte amaw, sum-le-pai hauna ziehte amaw, mipil misiemte lamkai ziehte/apanna ziehte uh zong ahisih a, aneitupa (Jesu) a thupi ziehin athupi ahipen mai hi. Tualeh, min gin-umtah a, hattuum a um thei sihleh Pasian ta dihtah zong ahi theisih ding uhi. Tuziehin, hattuum ah koima a phuttu leh neitu (founder) a umsih a, hattuum khu mihingte phu leh neitu bang a thuneinate a heng aval a i nei khah ding uh a zauhuoi hi. Tuabanah, hattuum sung a sepding bawlding leh i vaihawmnate ah eite khat-le-khat kimai etna a zang louin, aneitu Jesu in bangchin angai de aw chi a, a lunglam leh deilamte i sui zing ding uh ahizaw hi.

Tuabanah, Thuhun Tha in, hattuum hagau lam sil ahina bang tah ana genna khu, atomkim in hichin gen kia talei “HATTUOM khu Khrist-in Ama ding a, Ama a kinga zing ding, mishi khuo kul kotkhahte in zong a thuzaw lou ding a analam/phu ahi” (Matt. 16:18; Kolo. 1:16-18). Tualeh, hattuum khu atung ding pa leh akingahna pa adetdou in athupi hi. Tuaziehin, Hattuum khu Mangpa Jesun ‘A sisan a a lei, a

silsiem tha zong ahi' (Nasepte 20:28; II Kor. 5:17). Hattuum khu ni guh sung a a silsiemte lah ah zong a pangkhasih a, hun sawttah nua ah a thu mai hilou in, A tapa Jesu sisan siengthou toh a silsiem khieh ahi hi. 'Mei leh sisan leh thu a a silsiem tha ahi' hi. Tuaziehin, hattuum dihtah kichi khu Pasion khat sung a mihing thum umte (Trinity) gintate, Mangpa Jesu Khrist zieh maimai a hundam na tangte kipawl khawmna ahi hi.

~~~~~

# Thu tuomtuom leh Thumpi dingte



1. Pasion lungsietna leh mapuina toh March ha tawp i tung touta ua, tam tan hing puitu Pasion kung ah lungdam thu i gen uhi.
2. Pasion mapuina toh a March 10-12, 2023 sung in Presbyterian Church of India, Zomi Colony (ZPCS) Zintunna in Zou Presbyterian Women Fellowship (ZPWF) 64th General Khawmpi nei ahia, lawching tah in zaw ahi. Tuanah Pasion thutah Hagau annkuong hing luisah tam anei a te ahi ua, Pasion in zang in amaute tungtawn in Pasion thu siengthou ngai nop huoi tahtah kingaikhie hi.
  - 10th March 2023 Tunkimni nitah Rev. Zamlianpau, Executive Secretary, ZPCS
  - 11th March 2023 Kiginni nitah Nu P. Niankhanching
  - 12th March 2023 Pasianni Sun Rev. Dr. Hangpi Manlun, Sr. Executive Secretary, ZPCS
  - 12th Pasianni Nitah Nu Hatkhanvung, Outgoing Chairperson
3. Maban ah Kut poimaw i neite uh tam anei a te thumna toh lawching tah a i zah theina ding un del zui chiet va ui:
  - a) Palm Sunday - April 02, 2023
  - b) Good Friday - April 07, 2023
  - c) Easter Sunday - April 09, 2023

4. Naupang Sunday School Subject (Laibu) umloute sut tha zou ahita a, Synod Office ah bu khat zel ah Rs. 30 pie in lei thei zing ding hi.
5. I kingatna pen uh Pasian i bie h ding bang tah ua i bie h ua, a nna i sep thewina ding un i gam Government Vaihawmte a ding in thum va ui.

~~~~~

## KHROSS DAWN A JESU THUGEN SAGITE (Good Friday Message)

- Rev. Dr. Hangpi Manlun

**0). Thupatna:** Khawvel a mi tampiten a shikuon chiengun a hinkhuo peisate uh a nua gel jeljel uhi. Tuaban ah a innkuonte uh leh a lawmte kung uah vaihahna thute a gen jeljel uhi. Tuachimabangin, Jesu khu tahsa hing pieng in, za a za Pasian hina leh mihing hina hing nei in tam khovel ah a hingpei a, tualeh a shi kuan dingin Ama'n Khross tung ah thumal/kamteng sagi a gen hi. Tamte khu "Khross Dawn a Jesu Kamteng Sagite" a kichi hi. Tuate i sui ding uhi.

1). Pa, Amaute Ngaidam in a silbawl uh atheilou jieh uh ahi (Luk 23: 34). Mangpa Jesu khu mikhielte a ding a hundamna lampi a bawlsah thei na ding in, khross ah kilbehin a hing um hi. Khross kung/gei a mipite leh sepaite'n chiammuibawlnan nei ua, zu thua a pia ua, tualeh a kung ah hichiin a chi uhi, "Judate Kumpipa Na hi leh, Nang-le-Nang kihundam in!" (Luk 23:37). Banah a kung a migilou kikhaite khat na ngawn in zong a housie a, hichiin a chi hi, "Khrist hi lou na hiei mah? Nang-le-Nang kihundam inlen kou zong hing hundam in!" (Luk 23:39). Mangpa Jesun amaute ading in a thumsah hi. Jesu'n Pasian kung ah a khelna/suol uh ngaidamna ding a kiki beh ahi chi thei lou mite a dingin hepina leh ngaidamna a ngetsah hi. Amaute'n a silbawl uh khelna/suol ahi chih zong theilou ahi maithei uhi.

A lungsietna bangchilawm lawm a thuh leh thupi ahitai? Jesu khu Pasian bangkimbawlt thei toh pumkhat ahi ua a ut leh jong Khross apat in bailamtaha hing kum in A suohta thei hi. Hinanleh, jong Pasian deina bangin hundamna dinga kiguot a suhbuchin theina dingin kilbehin a um hi. Tuajiehin, Ama'n bawlgentheina leh zumna chinteng a thuoh zou in, lungsietna lientah toh a thumpi a tualeh ngaidam na

ngetsah zosop hi. Tamtah ah, “amaute” kichi in Ama kilbehtute leh chiemuibawltute bou/chau a kawh sih hi, mi koi zong Jesu Khrist pom lou zousie leh miel nuai a tengte zong a kawh hi. Tualeh Jesu’n Khross a kamteng masapen tungtawn in Pasian deidan/zawng bang ahiei chi leh Khristian lungtang pua dingdan ahing hil hi. Matthiu 5:44 ah, hichiin a chi hi, “Hinanlehzong ka hing hil ahi, na melmate lungsiet inlen tualeh nang hing sugentheite a dingin thum in.” Tuajiehin ei hing sugentheitute zousie a dinga i thum thei ding uh ahi.

2). Tuni in Kei Toh Paradis ah Na Umta Ding Hi (Luk 23:34). Jesu khu Golgotha, “Lugu mun” a khaikang ahilaiin migilou ni zong Ama toh kilbeh ahi uhi (Luk 23:33). Migiloute laha khatpen in A kung ah simmotahin a hou hi. Hinanlehzong a khat pen pa’n migilou masapen a phawh/tai a, ama a khelnate a kisia a, tualeh Jesu a Hundampa in a pom hi. Tuachiin Jesu’n Paradise ah Ama toh a umkhawm dinguh chithu a chiem hi. Paradise khu Abraham angung ahichin Jesun a gen hi. Tualeh Thuhunlui hun lai a misiengthou sisate hagau uh umna mun ban ah Paulin van thumna umbang in jong a gen hi. (Ephesa 4:8-10). Jesu’n Amakhu Messiah

misuolte a kisia chieng ua ngaidam thei leh Khross a, A kamteng nina tungtawn a hundamtu ahidan a puongdoh hi.

3). Numei, Tamnah Na Tapa: Tamnah Na Nu. Tuaziehin Jesu’n a nu leh, nuajuite a itpa a kunga ding a mu tah in, a nu kung ah, “Numei, en in na tapa!” a chi hi. Tuachin, nauzuipa kung ah, “En in na nu!” achi hi. Bible i et chiengin, Jesu’n “nu” a chi sih hi. Etsahna dingin, Johan 2:1-11 sung ah, Jesu’n a nnasepna apat nua a tui uain a suohsah a sillamdang masapen a bawl hi. Tam sillamdang khu Galilee a Kana khuo a kitenna a siltung ahi. Jesu-le-a nuajuite zong chiel in a um uhi. Uain ahing bei tahchiengin, Mari in A kung ah, “Uain a nei nawn sih uh,” a chi hi, ajiehkhu ama’n Pasian Tapa ahi a, Jesu’n tui uain a suohsah thei hi, chi a thei hi. Jesu a kungah hichiin a chi hi, “Numei, nang hing theisah ding bang a um ei? ka hun atung nai sih hi” ( tang. 4).

Jesu Ama-le-Ama kipuon in Khross a mihingte hutdamna ding Pasian silguot subuching in i Hundampa dinga khovel a hingpei ahi chi a gen hi. Tuajiehin Mari khu “nu” chi lou in “numei” a chi hi.

4). Eloi, Eloi, Lama Sabachthani (Mark 15:34). Tam khu Aramaic

ham ahi a, thuhamsa mama ahi. Azieh ahileh “Pasian in Jesu taisan/peisan ngai ei?” chi ahi. Gnostic pawlin Jesu khu baptistma atan lain, Ama ah Pasian hina ang um a, ahin khenbeh a aumtahn a Pasian hina in apeisan/taisan bang in a gen uhi. Ahina Jesu khu bangchitan dongin Pasian in ataisan ngaisih hi.

Jesu khu Khross ah jinglam dah kua in kilbeh in a um a, tualeh dahkal thum nua in, sun tang laitahn, leitung pumpi ahing miel a nitaahlam dah thum tandong china ahi. Naikal guh zou in, Jesu’n Pasian a han hi, “Eloi, Eloi, lama Sabachthani?” Jesu khu A gim mama hi, ajiehkhu Amakhu gamdai nisa khautah nuai ah A sisan leh tui luong in Khross tung ah naikal guh sung A kikhai hi. Amakhu hagim in A gim hi. Ahisihleh bang dinga, kikou ahiei? Ama leitung a a hingpeina jieh ahileh dawimangpa nnasepte suse ding leh eite a dinga hundamna kot hing honsah ding in ahi.

Pasian in A Tapan khawvel khelnate a puoh ziehin en ngamlou in aumban ah, Mangpa Jesun jong thawmhauna nasatah tami hun in atuoh hi. Tuachin thawmhautah in,. “Ka Pasian, Ka Pasian, bang dinga hing taisan Na hiei? chiin ahan hi.

5). Ka Dang a Tah. Tamnah Samaria gam a tuikul bul a dawnding tui anget bangin tamnah dawn ding tui angen hi. Thuhun Lui ah, Jesu Khross a A thuoh ding toh kisai genlawhna tampi a um hi. Late 69:21 ah, hichiin a gen hi, “Ka ann dingin sitheina gu ahing pie ua, ka dangtaah chieng in kadawn dingin, zupawng thuapi ahing pie uhi.” Late a kigenlawh bangin, Jesu’n, “Ka dang a taah,” a chi a, mite’n spangi zu thua/pawngpi a die ua, spangi khu hussop chiengkang dawn ah atah ua akam toh sutuo tou uhi. Bethlehem khuo a Jesu Khrist a pien masang hun sawtpi in, Late gieltu in Jesu Khross a kilbeh leh A shidingdan ana mulawh a ana giel hi. Jesu’n, “Ka dang a taah” A chi a tuachia Pasian Laibu khu ahing tangtun theina ding in.

Khross tung a Jesu kamteng ngana, “Ka dang a taah” hagaulam umzie toh kisai i ngaitua ding uhi. Mi tampite’n gilkielna a thua zou ua hinanlehzong dangtaahna a thuoh zou sih uhi. Jesu khu gimse dimdem hi ajiehkhu Khross ah dahkal guh sung kilbeh ahi a tualeh gamdai a ni sa mama nuai ah A sisan a luongsah hi. Tamkhu Jesu’n, “Ka dang a taah,” a chi in tahsalam dangtaahna sangin hagaulam dangtahna ana sazaw hi. Jesu’n tua hagau mangthangte

hundam A utdan hing lahna dingin A dangtahdan ahing hil hi. Tuajiehin, Jesu sisan hingluonna tung a na kipaah ding ahi a, tualeh mite hundamna lampi a pui tuin A dangtah sudai in.

6). Zo Ahita: Johan 19:30 ah, Jesu'n dawn ding a dawn a tuachin, "Zo ahita" a chi a, tuachin A lu kunsuh a, A Hagau A hata hi.. Tamkhu in hagaulam ah bang kawh a nei ei? Jesu khu tahsa ahing kumsuh a, leitung ah A hingpei a, khantanhoi ahing gen a, hatlou/chaute leh natnate ahing sudam hi, tualeh shiding a laitan a umte a dinga Khross pua in hundamna lampi a siem hi.

Mangpa Jesu Ama-le-Ama kipekhia in khross khawvwl khelnate puoin A subuching hi. Tualeh, dawimangpa tung a guolzou in dawimangpa nnasep zousie a suse sieng hi. Tuakhu, Ama'n mihingte hundamna dinga Pasian siltup a subuching hi. Tuajiehin Jesu'n, Khross tung ah mikhielte a ding hundamna nnasep zouin "Zo ahita" a chi hi.

7). Pa, Na Khut ah Ka Hagau Ka Kemsah hi. Khross tung a, Jesu kamteng nuakhiapen khu "Pa, Na khut ah Ka hagau kahing kemsakta," A chi hi (Luk 23:46). Bang ding a Jesun a hinna Pasian khut ah kepsah sah e? Ajiehkhu

Pasian khu Siemtu, lei leh van a bangkim tung a vaihawm leh na hinna, shina, hamsatna leh guolzawlana enkoltu ahiziehin ahi. Tamkhu in a gen khu, bangkim Pasian a leh A vaihawmna nuoi a um ahi. Tuaban ah Ama'n miten aw ngaitah a kikou a zah ding uh deidan/zawng ahi chi a theisah nuom hi. Tuaban ah Aman Pasian deina bangin sil zousie a subuchingta chisuhlatna zong a hi. Taukhu, Ama'n Pasian thumanna bukim toh A nnasep ding a zo nua in Pasian kungah A hagau A kemsah theita china ahi.

Upa (Dikon) Stephen zong Pasian deina bangin a hing a tualeh ginna khu a kem zing hi. Taujehin "Mangpa Jesu, ka hagau ana sang in"chiin a hu tawpna a laah toh kiton in a thum thei hi (Nasepte 7:59). Eite jong Pa Pasan deina bang a ihin ua shitan a gin umtah a nna isepchieng un ishini chieng un hangsantah "Zo ahita" tualeh "Pa, Na khut ah ka hagau ka hing kemsah" ichithe i giep ding uhi.

### **Jesu Shi Nua in Bang a chi eile?**

Khross a Jesu khu aw ngaitah kikou a, A kamteng nukhiapen A nuasiet zou in A shita hi. Tuachin, biehinn a puonzaah khu a tunglam apat in a nuailam tan in phalni a kesuh in ni a kisuo hi.

Tamin hagam a etsah poimotah a nei hi. Biehin a puonzah sautah khu Mun Siengthou leh Siengthoupena khenna ding ahi. Siempu chilou Mun Siengthoupen ah koima a lut thei sih hi. Tualeh mun siengthoupen a kum khat in siempu lah khat vei maimai a lut thei hi. Biehin a puonzah hing keh in Jesu khu Ama-le-Ama lemna kithoina suolna bang suchim dinga kithoi ahi chi jong a kawh hi.

Jesu shina tungtawn a khelna baang a chiptah jiehin Pasian toh kizopna tangtahn na nei thei hi. Tuakhu, Jesu Khrist a gingtaatna nei zousie mun siengthou ah a lut thei ding ua tualeh siempu lalte ahisihleh zawlneite palai ngai nawn lou in Pasian biehin a thum theita uh china ahi.

Taujehin, Hebraite geltu in hichiin a chi hi, “Taujehin unaute aw, Jesu sisan jieha mun Siengthoupena lut ngamna hangsan nei in. Eite dinga ahing bawlpieh lampi tha leh hing ah puonzah (tuakhu ama tahsa pumpi china ahi), kaantan in (Hebrute 10:19-20).

Banah, leitung khu a kithing a suongte a pawhkeeh hi. Tamtobang siltung ngailou tung in khovel a sil um zousie a liingsah chi ahing hil hi. Hansuongte a kihong a tualeh misiengthou ana sisa tampite pumpi khu hing a kaithou kia ahi. Tamkhu Jesu Khrist gingta pouma ngaidam leh hing kia ahi uh chi chetna thokiana ahi. (Note: Tam a tung a thute khu Rev. Dr. Jack Roeck Lee laibu apat leh keima sermone apat kilasawn ahi uhi).

~~~~~

## JESU SOLA AUMNA

(Luk.4:1-13)

By:- Upa Khaichinmang  
Tongdam

### Thumapui.

Mihingte itenna mun khu Gamdai Gamgaw, chi khu, lungkhamna, mangbatna, kisol tuohna gam ah hinkhuo i mang uhi. I Mangpa Jesu zong Dawimangpan solna chithum in a sol a (i) Neh leh tah (ii) Thuneina leh Hausatna (iii) Ze-etna/patepna tam thu toh kisai in anuoi a bang in ihoulim ding uhi.

## 1). Neh leh Tah:

Gingtute khu i Bieh Pasian beman lou zen in leh ta sil leh ten ding kining chinna ding sai in sum leh pai ngaituo in buoi kichi in ibuoi vengvung uhi. Kimkhat ten, atu atate khankhuo ding gel lou in, sum leh pai muna ding ahipou leh khamthei, guithei bawl in, bawl ngamlou ding neilou in hinkhuo i mang uhi. Tami bawl leng ang siempa lungthah ding ahi chi ngaituona mawngmawng anei sih uhi. Dihlou tah a hinkhuo mang ding in setan sol zousa a galkap muonhuoite ahi uhi.

## 2).Thuneina leh Hausatna:

(a) Khawvel pumpi thunei utna zieh in, gam khat leh gam khat kidou in, ashi amang nempi aum law hi. Hattuom pawlpi sung a zong a lamkai pen hi ut in, vote bang sui ding in dawimangpan Mi a sol a, sol zoula ding mawngmawng anei sih hi. Tua bang a asol zousa te'n lamkai in ahing pang chiengin, sepkhiet/bawlkhiet neilou in ahun uh amang zouzel uhi. Ahin Khrist a hinna neite lamkaina/thuneina ahing tukha chieng in, Mosi bang in alamkaina nuoi a pan mun neite, aneipite a din thumna lam, silpieh lam ah enton tah dingin a hinkhuo amang hi. Dawimangpan a solla vawt lamkaite khu Hagau ga chi a neite ahi uhi. Gal. 5:22,23.

(b) Khawvel a gingtu, gingleute hileh zong sum leh pai hausat ding, gingtu kichite lah ah sil dih e dih lou chi umlou in, tu leh tate khang peitou ding enlou in, tamnou khat sep ding nempi muh ding khu ideidan i ut dan ahita Mangpa ni hing tung leh bang ichi ding uoi le...!

(c) Govt. a semtute, Synod lieng a semtute'n apay chilou Pasian guoljawlna, buh leh bal, ganta, committee TE, DA etc. Dihtah a Pay chilou zong kim diimdiem a ipieh ta zieh un, Setan in ahing sol zoulou china ahi ahin, kim diimdiam chi pieh kim lou thei ahi man in, atamzaw i pieh leh adih taangpi ding ahi. Tuabang a i gamtat leh Pasian in, itu i tate tumsing bang in ahing khangsah ding a, tua bang ihi lou leh, itu itate singmuot, singbul ahing suohsah ding ahi.

(d) Setan in "Hattuom" khat sol henlen, LCC thupuosah bawl unlen, Sawm-a-khat in Biehinn lam un chin sol zouta maw henlen, lam gopgop ta U'leh, Pasian hing lungtha van in, tua hattuum sung a numei naupang tan in athuo law ding a, LCC lamkai te ama leh atu atate, Singmuot, maimuot, sing dinggaw ahing suohta ding hi. Tua ban ah Hattuom khat sol kia henlen, Biehinn lamna ding

sum pawlpi ah ngen unlen, ahing piehlou uh leh LCC in thupassed bawl unlen, sawm-a-khat capture un chi'n sol zouta maw leh atu atate uh khang peitou ding ngaituo lou in bawl gop/bawl thop ta leh, atu atate chi ding umlou ding tua sil hoi a kilang sil hoilou bawl Hattuum in, Pasian lungthahna “Noupi” dim sitset adawn chieng un, etngam huoilou ding ahi.

(e) Setan in “Mimal” sol henlen na sawm-a-khat khu Biehinn lamna ding in, tuabang a na bawl leh sum leh pai na buoi chieng in ka hing panpi ding chin solzouta maw leh ama pa/nu khu gingu meimei china ahita ding hi. Kei leh kei ka kihou a, mikhat in Rs. 5 (Lakh) hing peh ning in, na sawm-a-khat, teng Biehinn lamna ding in pieh in chi leh thakhat a setan solna douzou lou a, ut ding khu a bailam mama ding hi. Ka tate ka tute ka en a, khangpeitou Pasian umpi khang ahiding deina zieh in Setan ka kisolzou sah lou ding ahi ka thum zing pou

**3). Ze-etna/Patepna:** Mihing in silkhat ipieh chiengin, Mangpan ahing pehkia mawng ei chi a, Pasian patep ding ahisih hi. Thamlou in, tana singdawn ah kehsuh leng, Pasian in ahing dom mawngmawng ei chia Pasian khu ze-et ding ahi sih hi. Mi khenkhat in, sil khat pou ah ka hita leh chi'n Pasian min in akichiem a, adih leh dihlou theina ding in tui lut ding, laisiengthou in a chi khu ahi chi un len, ahilou khu ahisih chi un, achi khu thei zing va ui.

**4). Thukhumsin:** Synod, Presbytery, District, Local Lieng ah Setan in asol zou lou te lamkai in itel uhi. Tua lamkaite khu, thumzing, silpieh a thanuom, amawpuohna sung adia a hinna phal zou a pang, thamlou in seppite inn chin tuon mialmuol te khu lamkai ahizieh un, Pasian in imate ahing pui a, tuabang mi ahilou leh “Pasian in ahing nuasie ta hi.” Simtute zousie Mangpa'n guol hing jawl in, pilvang ding in guoljawlna chikim Mangpan hing peta hen, Amen.

~~~~~



# Pasian mithum umzie

By:- Upa Khupsuankham

1. Pasian khu Yahweh (ka hi) Deu. 6:14; bangkim bawlthei Sam 97: 9; 12:13; Bangchih lai a um tawntung Sam 90:2; isai 40: 12-13 bangkim siemtu Gen. 1:1; Vaihawmtu Sam 105:3 bangkim thei bangkim bawlthei leh muntenga um chite agen mai ahisih leh Pasian hina ahamsa hi.

2. Pasian a um ngelna chi ithei nate uh: Koiman Pasian amuthei sih ua, Pasian mu khu “shina” ahi. Ahivang in a um chi khu itheina dan aum hi. Tamte khu Pasian aum ngelna chi itheina dan uh khenkhat khu:

- a. Sil siemte akipan in - Sam 19:1-4 lungsim kulthuh tah a ngaituona ah Rome 1:8-32; 2:12-16.
- b. Jesu gingta a pomte zieh in - John 1:1-18; 15:15
- c. Ahinna ihina uh Pasian a um chi kichetna hipai hi - John 11:25; 10: 28:14.
- d. Ei mihingte hinna leh silsiemte te'n asiemtu khat um poimaw ding ahi chi ang theisah hi.

3. Pasian hina Bible a kigen khenkhatte: Bible in Pasian in a tampitah agen a, tuate lah ah tamlou igen ding uhi. Kimpibei thei, Bangkim tungah - Isai 44:6; aki lamdang ngailou - Jak. 17:mutheilou - Kol. 1:15; suikhieh guollou - IKor. 8:27; hoibukim - Math 5:45; John 4:24; Siengthou I

Pet. 1, 15-16, itna - I John 4: 8-16; thutah John 3:33; Mithum kigawm - Math. 28:19, Jesu a kipahna muthei angsoh giap hi - John 1:1-14 ah.

4. Pasian khu khat chauh ahiai, thum: Pasian thum ichi bang chi dan e gen vai, Pasian khat mai ahi chi Bible mun tampite ah akigenna - Deut. 6:4; Gal. 3:20; I Tim. 2:5; Jak. 2:19. Ahivang in Bible mun tampi tah ah thumte khu Pa Pasian leh Hagau Siengthou in agen chi imu zel uhi. Math. 28: 19; Nas. 5:34, II Kor. 13:14, Heb. 1:8; I Pet. 1:2; Tuaziehin Pasian khu ‘khat ahia’ hinanleh thum in akilang ichi thei hi. “Pasian khu khauhuol zang thum a kihia khawm bang ahia, ni alumna, avahna leh nizunga kilang thei leh tui, vuokhal tui tua a kilang te toh tehkahthei ahi”.

5. Pasian khu khat bou ahia, mellatdan thum in akilang hi: Jesu Baptisma tanna ah - Math. 3:13-17 Baptisma thu sam ni ah Math. 28:19 guoljawlna thusam

ah II Kor. 13:14 leh Gen. 1:26 a mihing kisiem thu ah 'Eitoh kibangin mihing isiem ding' chi ahi. Pasian khu genchet theilou leh sui guollou ahi, ichi theinate uh khu: Tam khu Pasian silsiemte toh kibanglou - Isai 40: 18:26, Ama mizie dan lou a um ngailou - Tita 1:2; Jak. 1:13; bangkim a tawphun neilou Luk 1:37 a umchil ni leh tawpni bawlthei - Math 19:26 bangkim thei Job. 37:16 munteng aum Sam 139:7, 12 ahi ichina ahi. Tambang ahiziehin Pasian hina genchet theilou leh ahina bangtah a suiguollou ahi.

6. Pasian khu bangkim siempa leh kembitpa ahilam thei in imuongngam ding ui: Pasian khu ahina bang a bangkim siempa leh kembitpa bangin thei leh muongngam ulei buoina leh hamsatna hing hamuongsah ding hi. Jak. 1:2-4 Rom 5:3-4 lawchinna hun ah, ama tungah ang kipahsah ding a Phil. 4:10-13 shi leh man ituohna vel uah zong ang lungkham sah sih ding hi Rome 8:28-29; II Kor. 4:7; 5:7; Pasian ahina banga ithei a pom muongngamte khu kipahna leh hamuonna bul ahi.

## **Jesu Khrist**

**1. Jesu Khrist bangchina e?**  
**Tualeh koimin e?:** Hundampa china ahia, Khrist khu thaunil

china ahi. I Mangpa Jesu min ahia, tam min in ahina toh kisai in tamte ang theisah hi.

a) Pasian ahina - Johan 1:1-14.

b) Mawna leh khelna akipan a hunkhetu ahina - Rom 6:1-14.

c) Hin dingdan ang theisah - I John 2:6 leh khovel a hing pei Mangpa Jesu ama gingta zousie a ding in i hundampa - Nas. 4:12, Hinna John 14:16, Mangpa Rome 10:19,13

**2. Jesu Khrist khu mihing a ang kilatna khenkhatte:** Tamte tengteng ziehin Jesu khu mihing a ang suohna ahi, ichi thei uhi. John 4:6-8; Gilkiel thei Math. 4:2; Dangtah thei - John 19:28; imu thei hi. Math. 8:24; Kapthei John 11:35 chite ahi. Tua ze-et in aum a Math. 4:1-11, ahehthei a, ahasie thei Mark 3:15; mi ahepi Math. 9:36 tam tengteng ziehin mihing ang hi hi, ichi thei hi.

**3. Jesu Khrist khu Pasian tahtah ahi ichi theina uh:** Jesu Khrist khu Pasian tahtah ichi thei zieh khu tamte ah ahi

a) Pasian chi in aum John 1:1, Rom. 9:5, I Tim. 3:16; Tita 2:13; Heb. 1:8.

b) Pasian mai in anei tamte zieh ahia, kumtawn hinna - John 8: 58,

mun zousie a umna Math 18:20 bangkim thei Kil. 18: leh lamdang ngailou Heb. 1:12 chite vel.

c) Pasian bawlthei tamte ahi theina: Khel ngaidamna Mak. 2:13; Hinna piehtheina John 5:21; Mishi kaithouna John 6:39, 40, 54; 11: 38-44; Vaihawmna John 5:22, 27.

d) Pasian mai in aneithe tam minte zong pieh ahi: Immanuel Math. 1:23 Kumpipate kumpi Kil. 19:16; Pasian tapa Math. 26: 63-65 Pasian John 10: 30,36

#### **4. Bang achi leh Jesu khelna neilou mikhiel te shi a ashivalong:**

Jesu Khrist khu Pasian a mihing ahia, khelna bei ahi. Ahivang in ama khu Pasian a mihing ahia, ama khu mikhiel tawpna pente gawtna singlamte ah kilbeh a um a, ashina khu: Tam khu khovel a mikhielte shi tanga shina - I John 2:2; khelna aneilou ziehin tambang shi thei achi na tam bang a ashi ziehin Pasian a lungkim hi. Rom 3:25 tam mikhielte shi tang a Ama khelna neilou a shi zieh in Ama ah muonna koi zousie te a dingin khel ngaidamna a um thei hi. Kol. 1:14.

#### **5. Shina akipat a Jesu Khrist athawkiana leh aphattuom nate:**

Tamte khu Jesu Khrist shina

akipan a thawkia apoimawna leh a phattuomna khenkhatte ahi uh:

a) Pasian tapa ahitah zet koipou in a theina dingin - Rom 1:4

b) Pasian in mikhielte shi tang a shi a hinna apom ahi theichetna dingin - Rom 4:25

c) Ama muongngamte zousie kung ah hinna pethei ahi chi chetna dingin Rome 8:11

d) Koizong ama gingtaten shi nan uleh zong ithou kia ding hi imuongngamna dingin apoimaw hamtang hi. I Kor. 15:20-21.

#### **6. Tuin Jesu Khrist heisung a um in bang nna asem ei?:**

Mangpa Jesu khu ashi a, athoukia zou in leitung ah Ni 40 aum a, tuami zou in van ah akaltou ta, thupina mun ah alut a - Nas. 1:9; 2:23, A misiengthoute la ding a hingpei kia ding - IThes. 4:13-18 ang pei masang in aumden dinghi. Tualeh Leng a panga vaihawm dingin ang pei ding - Math. 25: 31-46; Lei ah kum 1000 vaihawm ding - Kih. 19: 11-20; 6: Tulaitah in eite dingin mun asiem - John 14:3. Ukil (advocate) banga ang gensahtu ahi - Rom 8:34; I John 2:1 Aman ipoimaw zousie a awlmaw a - Heb. 4:4-16; Hattuom lutang bangin nna asem hi - Eph. 5:23; Kol 1:18.

## Hagau siengthou

1. Hagau Siengthou koi adiei?: Pasian a mithumte lah a khat, Pa leh Tapa toh kikim ahi Math. 28:19; Nas. 5:3-4; II Kor. 13:4. Hagau ahizieh in tahsa mit a muthei leh khut a khoi thei ahisih hi. Hagau siengthou ahi ziehin khelna toh kikhen lou a, khiel zing kawm in ikithuohpi thei sih ding uhi.

2. Thuhun Lui a Hagau Siengthou nasep kigente lah a khenkhatte: Tam khu Hagau Siengthou nasepte lah a khenkhat ahi. Gen. 1,2; Pasian nna sem ding a mite thopna Exo. 31:1-5; Nam. 11:16-17 mite pienken umdan kiheng Sam 104:3; mite sungah ateng (ISam. 16:13) Bible gelmi guolneite ahath khum (IPet 1:10-12; II Pet. 1:2) mite Pasian gingu a muong dingin Nas. 7:51 Hagau siengthou khu anasep zieh a theikhiet ahibou hi.

3. Hattuum, Khrist pumpi toh Hagau Siengthou kizopmatdan: Tamna Hagau Siengthou leh Hattuum kizopna khenkhat, Bible a imute ahi uhi; Hattuum kiphuna - Nas. 2:1-47, Hattuum a gingu mite kibelas - I Kor. 12:13; Hattuum aten - Kor. 3:14; Gingtute kipumkhat sah - Eph. 2:22; 4:3-4; Silpiehte pieh - IKor. 12:4-11 Hattuum alamkai ding a guot - Nas. 20:28 Hattuum nasepna a lamkai - Nas. 13:2 leh Hattuum tungtawn

a khawvelsietna hingtung ding nanna - II The. 2:2.

4. Ginta lou leh Pasian toh kizopna nei nailoute toh kisai a Hagau Siengthou nasep thupi pente: Tamte ginta lou leh Pasian theinailoute toh kisai a Hagau Siengthou nasep ahi uhi. Amaute Khrist lam a hiip - John 16: 13-14 Pasian nasemte hatsah - I Thes. 1:15 khiel kiphawhsah - John 16:8-11 leh piengtha.

5. Hagau Siengthou tunga khelna in eite ang suhsiet theidan: Tambang Hagau Siengthou tunga khelnate bawl in ei leh ei ikisusethei uhi. A thu zui loute ziehin ang lungkhamsah thei - Eph. 4:30 Ama sol in ilungthah thei - Nas. 5:3; Adeidan kal in ithuala sah thei - I Thes. 5:19; Aut banga gamtang theilou dingin idalthei - I Thes. 5:19; Nas. 7:51; Ama selphou in ei ikisusethei hi - Heb. 10:29; I hatna dinga poimaw pen Hagau Siengthou lamdal in ipang sih ding uhi.

6. Gingu Pasian toh kizopna neisate toh kisai a Hagau Siengthou nasep: Pasian mi ahita uh chi chetna dingin atenkhum - Rom 8:9; IKor. 6:19; Hundamna bukim atang ngei ding uh chi chetna dingin a chiemte - I IKor. 1:21; 22; Ephe. 1:13-14; 4:30; Athu zuite hatsah dingin asudim - Nas. 6:3;

13: 9-12; Eph. 5:8-11; Khristian hin dingdan tah a hing dingin apanpi - Gal. 5:22-23 amau azilsah - I Kor. 2:10 amau athumsah - Rom 8: 26-27 kizilna dihloute atheisah - I John 2:20-27 Pasian ta ahilam uh akitheisah - Rom 12: 3-8; I Kor. 12:1-31; Rom 8:14.

7. Johan laibu a Hagau Siengthou min tuomtuomte: Hagau

Siengthou khu hui toh - Nas. 4:14; lui luonglet toh - Nas. 38-39; Lungmuonpa chihah e um a teh ahi. Tualeh mundang dang ah vakhu banga gen in zong a um hi. Tuaziehin tamte akipan in Hagau Siengthou hinna bangtan ahei ihisap thei uhi.

Simtute zousie Mangpa'n guoljawlta hen.

~~~~~

## A TANEI SUN A PIE

Upa Thangzasuon,  
Kanan Veng

(Johan 3:16-17). Aziehpén, Pasian in khovel a it sengseng a tuazieh in, atapa tang khat nei sun apie hi. Koipou ama gingta khu, amanthai lou a, kumtawn hinna a nei zawh na dingin khovel siemmaw tangsah dingin Pasian in atapa khovel ah a sol sih, Khovel ama vanga, Hundam ahithe i na dingin asol ahizaw hi, achi hi.

Thumapui, i baibul tang simna uh pen kei leh doh ding hileh Pasian in mihingte a it sengseng a, chiin ka let ding hi, hinanleh tunzong tuama agenna ahi chin, ngaituo va ui, khovel ichi pen alei lungpi kigenna ahi. Tunia, Hattuum misiengthou te toh Pasian in khovel a it mama chithu genkhawm thei ding a hinna damna hingpie Mangpa Pasian kungah lungdam thu igen masa uhi.

Bangnding a, ahing it a diei le? Pasian in sil dangte, asiem lai in,

hing um ua, chi in thu apieh thaw a, tuachin ahing um mai zel uhi. Hinanleh, mihingte a bawl ding lai in, thu piehthaw sih hi. Ama kht vateh in, tungman apoi a, ama lim leh melsun in abawl vateh hi. Ahinna dingin zong, ama ma hinna hu aha lut vateh hi. Angelte nuoi a deu in ang na bawl a thupina leh zatatna ang khusah hi. Silsiem zousie tung a thuneina ang pie hi, akephang nuoi ah silbangkim akoina lai hi. Deithaw tah in, special tah in, angna bawl hi. Khovel a silsiem tengteng tungah thuneina ang

pie hi, ata tahtah ding ma a ang na siem ahi. Siem. 1: 28; Late 8:4- Sil khat pou pou i ang sunga a um lai in, a it huoina akilang sih ahi, ingman sah leh chu apammai dan a it huoi dan adahuoi dan te ang kilang zungzung amai ahi, U-le-naute nouten Van namang sahkha ngai uai? kei sil mansah khat hinggen gang aw le? 2002 June ha ahia, naute, Skul ang kholta uhi, tuaziehin loughieh didngn Tuivai lang ah ka kuonpi hi, lamgei ah theipi min pha mama ana um hi, nauten lou ding achi ua, kakingata uhi, ka lou zou ua, Vante ka bawl phatna lam uah ka Ag (ak) puohte uh atal san pen ka pit suo khata uhi, vata hasuo ma a bang a suhtai a, atoutai koi a, nuom asa mama hi, Kaikuongpa Kalithuh achi ta hi. Hinan leh dachieng a Si-al ahiai, Mupi ahei in, Apmaina a anei ding ahilam akithei mawngmawng sih hi, matzaw ding la ahi ta sih a, ka da mama ua, ka it mama ua pammai kasa mama uhi, ait huoidan leh apammai dante aneitude lou ngal in, atheisih ding hi.

Tuama bangin siemtu Mangpa Pasian in deithoh tah a, sepcial tah a abawl silsiem chin tengtung a thuneina apieh mihingte khu Eden huon ah ahasuo apiit suo kha ta hi. Atapa taan ahita mai hi, pammai asah dingdan te a it

ding dante dauoi asah didngdante mihing kam a genguol ding ahisih hi. Kumpipa David in atapa Absalam, Israel te lah a nuolna bei a, mel hoipa ashi ni in Zum leh za te umta lou in, mipi mai ah akap vengvong mai ahi. Aw lawmlawm mai tapa Absalom, Absalawm nang sang in kei shi zaw leng maw? achi vevo ahi. Tuami khu Pasian hing itdan toh tekah thei ahi. Huchizata in Pasian ahing it ahi. Eden huon a angha suo a pat in Pasian itna hing kipuonng doh ahi. Bangbang lungna gel ei? Tua hun a kipan in Pasian kumtawn vaiguon pilna thuoh tampi lai a, thuguh kiphuol ahing kipuonng dohta ahi. Tuakhu Eden huon a pitdoh mihingte matkiana ding a vaigon ahi.

Miel nei a gamta miten vah loupitah amuta ua, shina lim guoma tengte tungah khovah ahing tangta hi. Azdiehpen ei a dingin naungah apieng ta a, tapa pieh in i umta hi, aliengkou ah vaihawmna a kinga ding a tualeh amin lamdang, thumoppa bangkim bawlthei Pasian hat, kumtawnpa lemna Mang akichi ding hi Isai 9:206 chi in guolnei Isai akikou tuoituoi ta hi akikouvevo ai. Bang zieh mawngmawng a Pasian in amite hasuo kha ahiei le? ichi leh Eden huon ah nehthei ding leh nehmar ding a um zieh

ahita hi; silkhat pou pou akikham leh mihingten chiem ut se, thei ut se, mu-ut se, thamnuom sese uhi. Pa Thongkhansuon thugen khat Singtang lam a, tangval pawl khat in sil kidah huoitah mai khat hoitah a atun un atunga thamsin, lasin chia agel uh, kholmun khat a khau a akhai uleh amu tapou in bang a mawngmanwg el chi un , min lasin china gehguhpi ladoh teitei aphel uleh eh uipi nam khagiap uh achi hi. Tuakhu mihingte leisan dan ahi. Mu-ut, en-ut chiem-ut, tham-tte ihi uhi. Tuazieh a Pasian in, Jentelte kungah silkham anei non sih ahi Mak. 7:14-16 tan, silkham chiten mihingte siemhoi nahsang in, asuse zaw hi chi ithei ding uh ahi.

Khovel simmaw tangsah dingin Pasian in ata khovel ah asol sih khovel ama vang a Hundam ahizawhna dingin a sol ahi zaw hi achi hi. Tuazieh a Jesu Khrist i gintat nah leh siemmawtanna ding um nawn lou ahi. Rom 8:1- zauna hagau itang sih uhi. Tah hina hagau, hangsanna hagau, kimuonna hagau itan zieh un Abba Pa aw chiin ikikou ahizaw hi. Tuakhu Pasian tate umding dan ahi Rom 8:14- gen ut tampi a um a, Jesu sisan in bangteng ngaidam zou ahi chite umna lai nan leh taza in zouphot vai, simtu zousie Mangpa'n hing umpi chietta hen, Amen.

## PHUM IN A UM HI

(Mak 15:42-47)

By:- Rev. Awnkhanhup  
Kanan Veng

**THUMASA:** Tutung Good Friday ahing tun toh kizawh in, i Mangpa Jesu Khrist khovel mikhielte khelna zieh a Kross a ashi thu ban ah, tua i khelnate phiet mang ahi theina ding a leinuoi a Phum ahithu igen ding uhi. Khovel a sakhuo liente lah ah Judate, Khristiante leh Mosolman te khu shi hun chieng a leinuoi a kivui zelte ihi tangpi uhi. Masanglai in Judate zong suonghawm lemtang mun khat pou ah a kisiel zel mai uhi. Jesu hun lai in zong a inn kuonkuon hanmun nei uh hidanin zong akilang thei hi. Mangpa Jesu phum ahi thu khu Khantanhoi geltu mili ten a gelkha chiet uhi (Mt. 27:57-61; Mk. 15: 42-47; Lk. 23:50-56; Joh. 19:28-34). Juda ten leinuoi leh tuipi nuoi chite ana zau mama ua, tuabang mun a um kha khu guollelna leh ngiemkiehna etsahna dan in a ngai uhi.

**1. Judate Kivuidan:** Judate kivui ngaina dan in mishi luong pen a silsieng masa zel ua, tuami zou chiengin sathau namtui nu in puon malngat in a tuom uhi. A kamkah den lou a, amu a kichi theina ding in a kanden uhi. Johan in Jesu vuitute lah ah Nikodem zong pangkha dan in agen a, Murrah leh Aloe kihalsa buh 50 (34Kg)vel a hing keng in ahing nu hidan in agen hi (Joh. 19: 38-49).

**2. Vuilou a um mishi khu a namse zel hi:** Rome Sorkal in akilbeh (Judami hikhalou) te khu Khros apat lahkhih ahingai sih hi. Tuabangte khu Mulukol leh gamsate ading a ann tuitah ahizel mai uhi. Tambang a phumlou a muotmang a tamziehin Kalvari tang ah lugu a tam mama a, tuaziehin Johan in Jesu khu 'lugumun' (golgotha) lam a peipi uh hidan in ana gen hi (Joh. 19:17). Tambang a kilden a umleh vuilou a umte tahsa muot in a gim namse mama hidan a gen in ana um hi. Tuabang deu in tulai khovel izah tou lel lai un, gingtute lah ah mihing lui phummang lou leh midangte a ding a gim namsie gingu a kitam mama hi. Jesu Khrist shina koppi kichi miten phum a a umna zong ikoppi sam ding a poimaw hi. Khelna lam a shita kichi khem napi a, i mihinglui phum mangloupi ihi

kah ding a zauhuoi hi. I kung a um miten gimtui a hing sa na ding uoi? Ahilou leh midangte a ding a gimsie leh thanguoipi khat ihikha amah?

**3. Phum i chi khu thoukia ding a guonggalna chikhat ahi:** Hindute bawldan a Jesu luong kihaltum sieng hitaleh a thawkiana thu kizilsahna ah theisiem hasapi khat um thei ngeiva chi in a um hi. Amabou tahsa phum ahina ah, thupitah akaithaw a um ding ahidan a sulang a, tahsa thawkiana ah zong hisap ding dan siemna khat ahing neisah thei hi. Hinkhuo siengthou a i thawkia theina ding un Adam mihina zousie abawn sieng in hankhuh ah a lutpi ta china bang ahi. Jesu toh iki pumkhat na uh khu a shina koppina mai a tawp lou in, a kiphumna ah zong ikipimkhat zelzaw hi. Jesu phum ahina in shitah tah ahi chi kichetna khat ahia, loupitah a thoukia ding a guonggal masahna poimaw tah zong ahikia hi.

**4. I khelnate a i phumna ding heisung mun ahita diei?:** Johan in, 'En un Pasian belamnou khovel khelna lamang pa khu' ana chi hi (Joh. 1:29). Pasian belamnou, khovel gitlouna lamang tu ding in heisung ah e apeipi ding, Jerusalem ah maw? Ahilou leh Bethlehem ah maw? Hilou e, Phum ding in

hanmun a peipi in, tuanah a phummang siengta hi. Ahileh eite a dingin hanmun khu heisung ahita diei? Joseph hanmun lam iva sui ngai ding ata amah? Joseph in Jesu heisung ah aphum ei? ‘Ama han mama ah a phum hi’. Tuami ahileh eiten zong eima hina sung ngei ah i khowel gitlounate iphum mang sieng ding ua, tuachin gim namsie leh kidahhuoi a umlou in, midangte a ding in inamtui thei tading uhi.

**5. Phummang i neitheina ding in hangsan angai hi:** Jesu luong phumtu Joseph khu, Arimathai khuo a mihausa khat ahiban ah, Sanhedrin member a pang pha ban khat ahi. Aman Pilat kung ah Jesu luong phum ding a lakhe dingin a ngen a, tuachin a phum ta hi. Sandedrin member hikawm a tuabang sil a bawl ngam na khu mihangsan leh patathuoi tah ahi. Juda mipi, “*Khros ah kilbeh in*” chia kikou mite mitmei ven ding atam

ding dan mai tah, Juda sahkhua dan a mawpuohna sangtah neitu mikhat in a phum ngam mai khu sil lamdang tah ahikia hi.

**THUZAWNA:** Tuamabang in Jesu nua izuina ah zong silhoi bawl ngam ding a i hangsan apoimaw hi. Khotang leh Sorkal mitmei veng kisa senga, thudih leh thutah gen ngamlou, sem zong sem khe ngamlou a i um khah ding a kivenhoi mama ding hi. Kalvari tangtan maimai zuitu ihangam ding uh a poimaw hi. Ama kilbehtu ten zong atahsa mama un Kalvari tangtan a vapha mun mama zel ding ua, tuabang ma in migiloute tot phahna chieng mai tuon ngam Khristian hilou in, khelnate phummang a tawpsan ngam Khristian ihi ding a poimaw hi. Mishi hingal, phum lou a um zing khu gimnamsie in, ui leh thaang in a um zel hi. Khrist gingtuten hankhuh paltan a anua i zui ngeingei ding uh a poimaw hi.

## Happy Easter 2023



# KIPAH THUGENNA

Rev. P.C. Manga  
Tuibuang

U-leh-nau seppi deitahte tuha 17, February 2023 nia Manggam a kasepna Pastoral Ministry ah Pienkum apat sut in kum 60 kachin tah ban ah Pesnion Manggam nna kasepna kasep sung kum 30 ahia, Hattuum te thumpi nazal in ka Pension tan semthei a ka um ziehin kalung dam mama hi.

Tami Pension hahna Vaiguon ah zong ulehnaun ang tel thei tengteng kung ah zong kipah thu ka gen hi. Tuamai hilou a, sum leh pai, puonsil, silpieh Bel lien tahtahte ban ah Chini, Bawngnawite ang tawi chiet ua, ka Pension nang kipahpi zieh un ka kipah mama hi.

Synod te, Presbytery te, District te leh Local ten nang kipahpi na zal ua sil thupi tah nang bawl pieh zieh un kakipah hi. Noute zal in Mangpan thupina tang henlen, Hattuum te zousie ten kei a dinga itna silpieh nang piehte uh zal in Mangpa'n Hattuum leh mimal zousie tamsem in hing guoljawl chiet taken.

Tutung Pension hahna vaiguon a laa hing sahsah Nu, Mangnu, PWF, Lailamveng leh Tv. Hauminlian te kung ah zong kipahthu kang tun hi.

Atawpna pen dingin Pension committee te vaiguon siemna tungtawn a zalentah a mimal te zong hun ang zie-sah zieh un kakipahna akingningching mama hi. Synod Moderator in maban a ding hinkhuo ka peina dingte deisahna sangpen toh ang thuhil na Pasian kung a ang thumsah ziehin kalung adam in kaha amuong mama hi. Mangpa'n Zou Presbyterian Church Synod guoljawl in maipui zel taken.

Kipah ing.

## ZPYF COLUMN

### DISTRICT LEH BRANCH CHURCH INDUSTRY 2023-2024

District leh Branch Church a tuoh ding Industry 2023-2024 tam anei a bang ahawmguol ahia, a hun tah a poe kim chiet ding in i kingen uhi.

|     |                      |     |        |
|-----|----------------------|-----|--------|
| 1.  | Central District     | Rs. | 10,000 |
| 2.  | Lamka District       | Rs. | 10,000 |
| 3.  | Lentang District     | Rs. | 10,000 |
| 4.  | Tuivai District      | Rs. | 6,000  |
| 5.  | Singngat District    | Rs. | 7,000  |
| 6.  | Suolam District      | Rs. | 6,000  |
| 7.  | Tuiningkuol District | Rs. | 6,000  |
| 8.  | Gunpang District     | Rs. | 6,000  |
| 9.  | Zotang District      | Rs. | 6,000  |
| 10. | Imphal District      | Rs. | 7,000  |
|     | BRANCH CHURCH:-      |     |        |
| a)  | Delhi                | Rs. | 8,000  |
| b)  | Shillong...          | Rs. | 8,000  |
| c)  | Bangaluru...         | Rs. | 5,000  |
| d)  | Chennai              | Rs. | 5,000  |
|     |                      |     |        |

*Sd/-*

T. Naomi Goulianching  
Coordinator  
ZPYF

~~~~~

## **ZPWF Column:**

### **64TH SESSION KHAWMPI REPORT**

1. Anntang ham District chin report apat etkhietna akinei a tuanah tam anuai a teng ZPWF in kipahman silpieh piehna kinei hi.
1. Nu Khankhoniang, Imphal District - hamzat Md. 36 leh Kg. 10
2. Nu Sondeiching, Lentang District - hamzat Md. 23 leh Kg. 31
3. Nu Esther Chingneikim, Lamka District - hamzat Md. 20 leh Kg.3
2. Synod Jr.Accountant Nh. Niangsuannuam in Term khat sung ZPWF leh Tunnu Limbel Account maintainance lam ah ang ki thuopi na tung a ZPWF in kipahman in dangka Rs. 3000/- kipie hi.

#### **3. Khawmpi sung sum senna te :**

1. Badge - 20,000/-
2. Guideline - 6000/-
3. Agenda bu- 10,000/-
4. Clear File - 8000/-
5. Photobooth - 2300/-
6. Singkeh - 200/-
7. Session leh Khawmpi singpi- 29,620/
8. Dispo cup- 2270/-
9. Anntangham Prize- 2800/-
10. Khawmpi panpina - 10,000/-
11. Tunnu Limbel Singkhat tunglam pete kipahman silpieh leina - 14,000/-

#### **4. Khawmpi sung a sum muna te :**

1. Pledge card - 59640/-
2. Tunnu Limbel tholom- 6872/-
3. Khawmpi tholom- 13009/-
4. Sacrament tholom- 5500
5. Badge akimu- 9630/-

#### **5. Synod dang apat palaite:**

1. Manipur Synod apat : i. Niangneiting, Finance Secretary  
ii. Ngaineihat, Committee member

2. Tangphai Provisional Synod apat: i. Pi Kh. Thianniang, Finance Secretary, CKNP  
 ii. Pi Nengneithem, Assistant Secretary, CKNP

### **TUNNU LIMBEL GINNA THUCHIEM ( PLEDGE CARD) 2023**

| HACHIN ( MONTHLY)                                  |              |
|----------------------------------------------------|--------------|
| 1. Mangsuanniang, Muallum                          | - Rs. 50/-   |
| 2. Niangkhanhau,                                   | - Rs. 50/-   |
| 3. Deikhoniang, Sugnu                              | - Rs. 1000/- |
| 4. Niangmuanching, Lailam Veng                     | - Rs. 500/-  |
| 5. M. Siehkhonthang Zou (FMPB), Hatching Sion Veng | - Rs. 200/-  |
| 6. Dimkhanvung, Immanuel Khopi                     | - Rs. 300    |
| 7. Upa Khaiminlian, Lailam Veng                    | - Rs. 1000/- |
| 8. Upa T. Sianchipau Zou, Thingkangphai            | - Rs. 1000/- |

### **TUNNU LIMBEL GINNA THUCHIEM ( PLEDGE CARD) 2023**

| <b>KUMKHAT (2023 sung a ding)</b>     |              |
|---------------------------------------|--------------|
| 1. Vevei, Central Church              | - Rs. 200/-  |
| 2. Nianghauchiin, Lailam Veng         | - Rs.500/-   |
| 3. Upa Gouzamang, Central Church      | - Rs. 100/-  |
| 4. Nianghoiching, Lailam Veng         | - Rs. 1000/- |
| 5. H. Hauminlian, Mawngken            | - Rs. 1000/- |
| 6. Chindeiniang, Tongdam              | - Rs. 100/-  |
| 7. Upa Nengkhai, Central Church       | - Rs. 500/-  |
| 8. Manlunching, Lailam Veng           | - Rs. 1000/- |
| 9. Niangdeilun, Lailam Veng           | - Rs. 500/-  |
| 10. Suanngaihkim, Lailam Veng         | - Rs. 500/-  |
| 11. Chingkhokim, Tangpijol            | - Rs. 200/-  |
| 12. Neljamuang, Manniang              | - Rs. 50/-   |
| 13. Mangkhanchin, S. Vengnuam         | - Rs. 100/-  |
| 14. Hatneikim, Zoumunnuam             | - Rs. 1000/- |
| 15. Upa Khupchinzam, Awnchinkap Khuo  | - Rs. 500/-  |
| 16. Rev. Khupsianlal, Singngat        | - Rs. 500/-  |
| 17. Rev. Khamminlian, Muallum         | - Rs. 1000/- |
| 18. Tingzavah, Tuibuang               | - Rs. 1000/- |
| 19. Nemdonching, Kannan Veng          | - Rs. 500/-  |
| 20. Rev. Kamminthang, Suolam District | - Rs. 500/-  |

|                                         |              |
|-----------------------------------------|--------------|
| 21. Upa Velkhohau, Bohlui               | - Rs. 100/-  |
| 22. P/P Joseph Doulunlal, Moreh         | - Rs. 2000/- |
| 23. Thangkhopau, Central Church         | - Rs. 500/-  |
| 24. Rev. Zamlianpau, Central Church     | - Rs. 1000/- |
| 25. Nousuanniang, Central Church        | - Rs. 500/-  |
| 26. Mungsuanthang, Kanan Veng           | - Rs. 1000/- |
| 27. Mangdavid, Kamdou Veng              | - Rs. 500/-  |
| 28. Dongchinmang, Central Church        | - Rs. 1000/- |
| 29. Ngaisuanching,                      | - Rs. 200/-  |
| 30. M. Chinsuanpau, Bohlui              | - Rs. 1000/- |
| 31. Niangngaihlan, T. Tangnuam          | - Rs. 1000/- |
| 32. Douzahau, Awnchinkap Khuo           | - Rs. 500/-  |
| 33. Chinminthang, Central Church        | - Rs. 300/-  |
| 34. Nemremmawi, Zoumunnam               | - Rs. 1000/- |
| 35. Pastor Bhim Prasad, Paspoti         | - Rs. 500/-  |
| 36. Upa M. Kamdou, Zomi Colony          | - Rs. 3000/- |
| 37. Rev. Kamkhosoi, Zomi Colony         | - Rs. 500/-  |
| 38. Rev. Dr. Hangpi Manlan, Zomi Colony | - Rs. 2000/- |
| 39. Ruth Ghatani, Paspoti               | - Rs. 300/-  |
| 40. Kamchinthang, Lailam Veng           | - Rs. 200/-  |
| 41. M. Douzahau, Awnchinkap Khuo        | - Rs. 1000/- |
| 42. Chiinngaiman, Lailam Veng           | - Rs. 100/-  |
| 43. Upa Chinthong, Tongdam              | - Rs. 500/-  |
| 44. Nu Judith, Zoumunnuam               | - Rs. 1000/- |
| 45. Niangzoukim, Tangpijol              | - Rs. 500/-  |
| 46. Haungaichiin, P. Khupgou Veng       | - Rs. 1000/- |
| 47. Nianglianang                        | - Rs. 100/-  |

**Sd/-**

Nu. Manmuanching,  
Secretary for Women's Relation ,  
**ZPWF**

## PATRON MEMBER-TE

|                           |                               |                             |                                 |
|---------------------------|-------------------------------|-----------------------------|---------------------------------|
| 001. Upa Gouzamang        | 002. Pu Hav. Khamchinkhup     | 003. Pu Khamzalam           | 004. Pu Chinzasuan              |
| 005. (L) Upa Liansuanpau  | 006. Pu Khamchinthang         | 007. Pu S. Dalthang         | 008. Upa Kapkhanthang           |
| 009. (L) Upa Langginmang  | 010. Upa S. Nangkhanlal       | 011. Pu S. Lamkhotang       | 012. Upa Dr. M. Lachinkhai      |
| 013. Upa Khamchinjam      | 014. (L) Upa D.K.Manlun       | 015. Upa Suankhanmang       | 016. (L) Upa Khupgou            |
| 017. Upa Chinkham         | 018. Upa Ngulchinkham         | 019. (L) Rev. V. Vungzalian | 020. Rev. Retd. Kamkhosoi       |
| 021. Rev. Tualzachin      | 022. Rev. H. Nengzaton        | 023. Rev. Awnkhankhup       | 024. Rev. Dr. Hangpi Manlun Zou |
| 025. (L) Pu Tuanzapau     | 026. (L) Rev. Ginchinjam      | 027. (L) Rev. Khamzasuan    | 028. Upa T. Lamkhothawng        |
| 029. Upa Khaichinmang     | 030. Rev. Stephen Chinzathang | 031. Pu Khupkhanmang        | 032. Pu Khaidohlian             |
| 033. (L) Hav. Khamzahang  | 034. Pi Vungzanuam            | 035. Pu T. Gouzadou         | 036. Upa Liensuonkap            |
| 037. Pi Zerkhochiin       | 038. Pi Hatkhanvung           | 039. (L) Pi Ngaihoiching    | 040. Pi Mankhannieng            |
| 041. Pu Goukhanmang       | 042. Pi Chingzalam            | 043. Pu S. Thianzakhai      | 044. Pi Kamkhanching            |
| 045. Pu Haukhanpau        | 046. Pu Tuallianmang          | 047. (L) Pu Dongkap         | 048. (L) Pi Chingkhanmang       |
| 049. Pi Donkhonian        | 050. Upa Henzakhup            | 051. (L) Pu Saichinpau      | 052. Pu Goumang                 |
| 053. (L) Upa Khamkhanhang | 054. Shie Laangkhanlal        | 055. Pu Khamkhanlun         | 056. Upa L. Tualkhanpau         |
| 057. Upa Jamsianmung      | 058. Upa Ginzadong            | 059. Pu Kaizathang          | 060. Pi Goizanuom               |
| 061. Pi Thangneivah       | 062. Pu Khamzathang           | 063. Pi Donchin             | 064. Upa Liankhanmang           |
| 065. Pu Hauchinlun        | 066. Pu T. S. Lal             | 067. Pi Goichiin            | 068. (L) Pu T. Khupchinthang    |
| 069. Upa T. Kaizalam      | 070. Pu Paul Henkholal        | 071. (L) Pu Soikham         | 072. Rev. P.C. Manga            |
| 073. Rev. Khamchinkhai    | 074. Rev. Zamlianpau          | 075. Rev. Chinzapau         | 076. (L) Rev. Kamkhozam         |
| 077. (L) Upa Chinpu       | 078. Pu Zamkhanthang          | 079. Pu Chinglen            | 080. Miss Chinhaunieng          |
| 081. Upa P. K. Soia       | 082. Pu Goujakhai             | 083. Pi Niangkhanmang       | 084. (L) Evan. G.L. Joshya      |
| 085. Pi S. Chingkhanmang  | 086. (L) Pu Vumchinkhup       | 087. Upa Khaihenthang       | 088. Upa T. C. Pau              |
| 089. Upa Nengchinkap      | 090. (L) Upa Jamkhongam       | 091. Upa HT Manga           | 092. Nu Vahkhohling             |
| 093. Pu Hauliankap        | 094. Pi Chinnu                | 095. (L) Upa Ngulzakhai     | 096. (L) Upa T. Gougin          |
| 097. Pu Ginsuanhau        | 098. (L) Upa Langminthang     | 099. (L) Rev. David K.Samte | 100. Upa T.S.K. Samte           |
| 101. Upa S.K. Khama       | 102. Pu Jamkhopao             | 103. Pu Thatthang Taithul   | 104. Pu Kamkhankap              |
| 105. Bhim Prasad Ghatani  | 106. Rev. M. Kapsuanthang     | 107. Nu Chingneikim         | 108. Rev. Khupkhansuan          |
| 109. Pi Mannuamching      | 110. Rev. Kaimuanlal          | 111. Upa Nengkhanlian       | 112. Nh. Deborah Zou            |
| 113. Pu T. Kuppa          | 114. (L) Rev. Mangsuanthang   | 115. (L) Pu Lamchinhou      | 116. Upa Pauchinlei             |
| 117. Nu Kimneihei         | 118. Upa Kamgenpau            | 119. Nh. Niangsuannuam      | 120. Nu Ngaikhanvung            |
| 121. Pu P. Sanjiv Zou     | 122. Upa M. Kaichinkham       | 123. Upa T. Sianchinpau     | 124. Upa Sianzahau              |
| 125. Pu L. Thenkhosoi     | 126. Pu Kamsuanhang           | 127. Upa Th. Kaikholam      | 128. Upa Lunchinthang           |
| 129. Pu P. Tongthang Zou  | 130. H. Nehzamang             | 131. Pu Thangsuankhup       | 132. Upa M. Kamzadou            |
| 133. Pu Jamkholian Munlao | 134. Pu Sianzakhai            | 135. Upa Thangginsuan       | 136. Pu Kapminlun               |
| 137. Pi Tingzavah         | 138. Dr. M. Limlunthang Zou   | 139. Rev. Hauzalian Manlun  | 140. P/P Suangliankap           |
| 141. Rev. Ginlianmang     | 142. Upa L. Mangminthang Zou  | 143. Upa Goukhanthang       | 144. M. Thangsuansang Zou       |

## LIFE MEMBER-TE

|                             |                         |                        |                           |
|-----------------------------|-------------------------|------------------------|---------------------------|
| 001. (L) Upa T. Khupkhenpau | 002. (L) Pu M. Ginzahau | 003. (L) Pu Selzapau   | 004. Pu L.C. Pautungnung  |
| 005. (L) Pi Khamkhannieng   | 006. Pi Ngainuam        | 007. Upa Chinsuanthang | 008. Upa Shanti Kumar     |
| 009. Pu Kamkhohau           | 010. (L) Pu Khamkhohau  | 011. Upa Khamzathang   | 012. Upa Chinkhanthang    |
| 013. (L) Pu Tongzathang     | 014. Pi Chiinneilam     | 015. Upa Kulthang      | 016. H/Sm. Upa Kaichinpau |
| 017. Pi Niangzalam          | 018. Upa P. Doukholun   | 019. Pu Kapminlian     |                           |

# *Fundamental*

Please return to:

*The Editor*

KHRIŒTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: [zousynod.org](http://zousynod.org) | email: [info@zousynod.org](mailto:info@zousynod.org)

[zpcs@rediffmail.com](mailto:zpcs@rediffmail.com)/[zousynod05@gmail.com](http://zousynod05@gmail.com)

7a,

---

---

---